



Broj: 22-04-44-1-287/18  
Sarajevo, 15.10.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

**REDOVNI IZVJEŠTAJ**  
**za period od 07:00 sati 12.10.2018. do 07:00 sati 15.10.2018. godine**

Kantonalni operativni centar civilne zaštite je, dana 12.10.2018. godine u 16:39 sati, od Dispečerskog centra Profesionalne vatrogasne jedinice Kantonalne uprave civilne zaštite Kantona Sarajevo, primio informaciju da je oko 16:00 sati u ulici Bjelave kod br. 43, prilikom izvođenja radova od strane KJKP Vodovod i kanalizacija, došlo do oštećenja visokotlačne cijevi plinovoda. Na lice mjesta odmah su upućeni pripadnici Profesionalne vatrogasne jedinice, kao i ekipe KJKP Sarajevogas i Elektrodistribucije Sarajevo. Na užem području oštećenja plinovodne cijevi odmah je obustavljen saobraćaj i isključena električna energija. Ekipe KJKP Sarajevogas je oko 17:00 sati prekinula dotok plina, a potom pristupila sanaciji visokotlačne plinovodne cijevi. Iz predostrožnosti je izvršena i evakuacija učenika i osoblja iz Srednje medicinske škole na Bjelavama. U 18:05 sati uključena je električna energija za navedeno područje, a u 19:00 sati je uspostavljen i saobraćaj. Ekipe KJKP Sarajevogas je u 21:34 sati sanirala oštećenje plinovodne cijevi, a u 22:00 sati je normalizovan dotok prirodnog gasa na tom području.



U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 13.10.2018. godine u 14:00 sati, od dežurnog u policijskoj stanici Ilidža, da su u naselju Osjek, na travi blizu kuće u ulici Rate Dugonića br. 97, pronađene tri ručne bombe. Bombe su bile u plastičnoj vrećici.

O primljenoj informaciji obaviješteni su pripadnici Tima za UES Federalne uprave civilne zaštite, koji su preuzeli i zbrinuli pronađena neeksplozirana ubojna sredstva.

**JU Zavod za javno zdravstvo Kantona Sarajevo:** U periodu od 24.09. do 30.09.2018. godine na području Kantona Sarajevo ukupno je prijavljeno 54 slučaja zaraznih bolesti obaveznih prijavi, i to: 11 enterocolitis ac. (enterokolitis), 7 herpes zoster (šindre), 16 nosocomial infections (bolničke infekcije), 4 Scabies (svrab ili šuga), 1 Toxiinfektio al. (trovanje hranom), 5 Angina streptoc. (streptokokna angina), 1 Brucellosis (bruceloza), 1 Mononucleosis (mononukleoza), 4 Parotitis epidemica (zaušnjaci), 3 Salmonellosis (salmonelozis), 1 Scarlatina (šarlah).

**Profesionalna vatrogasna jedinica Kantonalne uprave civilne zaštite Kantona Sarajevo:** U izvještajnom periodu pripadnici Profesionalne vatrogasne jedinice imali su 12 intervencija, i to: devet požarnih intervencija na gašenju smeća u kontejnerima (5), el. instalacija (1), dimnjaka (1), plastične cijevi (1), manjeg požara u stanu (1), jedan izlazak po dojavi o dimu u stubištu zgrade i dvije intervencije obezbjeđenja (mjesto curenja plina nakon oštećenja plinovoda i koncerta).

**Napomena:** U protekla 24 sata pripadnici Profesionalne vatrogasne jedinice imali su 4 manje požarne intervencije na gašenju smeća u kontejnerima.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Dana 12.10.2018. godine dispečerskom centru Sarajevogasa je u 16 sati prijavljeno oštećenje distributivne gasne mreže u naselju Bjelave od strane ekipe Vodovoda i kanalizacije koja je na toj lokaciji vršila prokopavanje javne površine. Odmah po prijemu prijave ekipe Sarajevogasa su izašle na teren i pristupile izvođenju radova na sanaciji oštećenja. U vrijeme izvođenja radova ekipe Sarajevogasa su izvršile obilazak individualnih objekata u neposrednoj blizini oštećenja i građanima su date upute o načinu postupanja. Radovi na trajnoj sanaciji oštećenja su završeni oko 22 sata i 30 minuta.

Trenutno svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 9°C, vlažnost zraka 73%, barometarski pritisak 948 hPa.



**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja fudbalske utakmice, danas u vremenu od 14 do 24 sati, doći će do obustave saobraćaja u ulici Zvornička (od raskrsnice sa ulicama Put Mladih Muslimana- Azize Šaćirbegović do raskrsnice sa ulicom Hamdije Čemerlića i Topal Osman paše na djelu od raskrsnice sa ulicom Kemala Kapetanovića do raskrsnice sa ulicom Zvornička).

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1